



Close to Home



He tohu motuhake ā-hapori ki a Malcolm



Ko Karla Beazley nō te Ope Hapori o Kāinga Ora, rāua tahi ko te kiritaki a Kāinga Ora, ko te whakaihūwaka, ko Malcolm Rundle.

Nā te hapori o Mount Roskill me te Ope Hapori o Kāinga Ora a Malcolm Rundle i tautapa ki te Tohu Tūao ā-Hapori ki Puketāpapa, he nui nō āna mahi hapori i ngā tau.

Hei wāhanga ake o te tautapanga nei mō tēnei tohu, i meinga mai e te Ope Hapori he rite tonu tā Malcolm tautoko i ngā kaupapa Kāinga Ora, waihoki ngā kaupapa katoa ki Mount Roskill, ka mutu



he ringa raupā ia ahakoa te aha. “Korekore nei, he kanohi kitea a Malcolm, ka toro atu ahakoa te aha.”

I whakaetia e te Poari Paetata o Puketāpapa, rātou ko te Puna Rangatahi ki Puketāpapa, ko te Ope Hapori kia whakawhiwhia ōkawatia nei a Malcolm ki tāna tohu hei te whakanuinga ā-hapori i tēnei tau. I tēnei wā, kua whakairihia tā Malcolm tohu ki te rūma hapori ki te nōhanga Kāinga Ora e nōhia nei e ia.

I uia a Malcolm e mātou mō te pānga o te tohu ki a ia. “I ohorere pai au i taku whiwhi i tēnei tohu. E rata pai ana ki ahau te āwhina i ngā tāngata ahakoa te aha, heoti he mea nui tonu tēnei tohu ki ahau,” hei tā Malcolm. Ka mutu pea, Malcolm. E hikaka pai ana mātou ki te whakanui i tēnei ekenga āu mea ake nei.

Kia mahana, kia maroke, kia hauora tō kāinga hei tēnei hōtoke

E ngāwari ake ana, e iti iho ana hoki te utu o te whakamahana i te hau maroke, ā, e ārai atu ana i te hekaheka. E mōhio pū ana mātou he nui te wā nōhia ai te whānau ki tōna kāinga rā i te hōtoke, nā reira e hirahira ana te whakamahana i ngā rūma moe me ngā rūma noho e hauora ake, e ngahau ake ai ēnei wāhi hei ngā marama makariri.







Āraitia te haumākū

- Me whakamaroke i ngā matapihi mā te muku i te wai me tētahi tāora tawhito hei ngā ata ina matea ana.
- Whakamaroketia ngā kākahu ki waho ina taea ana.
- Whakamahia tō mīhini whakaunu hau ina tunu ana.
- Whakamahia tō kōkōhiko i te rūma horoi ina hīrere ana, ina kaukau ana rānei, ā, me haruru tonu te kōkōhiko kia maroke rā anō te whakaata me ngā pakitara.

Whakamahanatia tō whare

- Whakamahia ngā mīhini whakamahana ina makariri ana, ā, tohua tō inemahana kia 18–20°C e hauora ai, e penapena ai hoki te pūtea.
- Tuwheratia ngā ārai hei te awatea e mahana kore utu mai ai i te rā.
- Whakakāngia ngā pūrere whakamahana hei te tōnga o te rā e noho rite ai te paemahana.



Whakahoungia te hau


- Kia rua ngā whakatuwheratanga o ngā matapihi ia rā (kia 10 ngā mēneti) e unuhia ai te haumākū, ina koa hei te hōtoke.
- E maroke tonu ai ngā moenga me ngā takapau, nekehia i te pakitara e whaiwāhi mai ai te āngi kia rere.
- Hīkina ai ngā takapau i te papa e maroke ai ia rā (ina taea ana), ina koa e moe tahi ana ki ngā rūma noho.

Puritia te mahana!

- Aukatia ngā ārai hei te tōnga o te rā e puritia tonutia ai te mahana o te rā.
- Waeahia mātou ina rongu ana koe i te kauanu i ngā matapihi, i ngā kūaha o waho, i ngā pakitara rānei.

I mōhio rānei koe, tīmata ai ngā ahi 1 i ia 4 ki te kīhini?

Ngā mea ngāwari e oti i a koe te mahi hei aukati i te hikanga ahi ki tō kīhini:



Kia mā, kia haumaruru hoki tō kīhini

- Whakapaitia tāu tō i muri i ia whakamahinga – e ārai ana tēnei i te mātotorutanga o te hinu maringi, me ngā kai pāhunu.
- Kia rite tonu te whakamā i ngā tātari kōwhiuwhiu tō.



I a koe e tunu ana

- Kua e inu me te parai.
- Kua e puta i te rūma ina e tunu ana – ina puta koe, whakahekea iho te wera o ngā papa tō.
- Kia maumahara me tawhiti atu ngā ārai, ngā tī-tāora, ngā karapu umu, me ētahi atu tūemi muramura i te wāhi tunu i a koe e tunu ana.



Ina kā tētahi ahi

- Ki te mura tō parai, ā, e oti i a koe te mahi haumaruru nei, whakamaua te taupoki ki te parai, kātahi ka whakawetoa te tō i te pakitara. Ina kore te taupoki e tata ana, whakamahia tētahi tī-tāora mākū, tētahi mea rahi e papatahi ana (pēnei i te papa tapahi) ki te parai hei haukoti i te hāora o te ahi. Waiho kia mātao ai te parai.
- Kua rawa e tahoro wai ki te parai e kā ana.
- Kua rawa e kawē atu i tētahi parai e kā ana ki waho.
- Ina he ahi kei tō umu, tūtakina te umu, kātahi ka ngana ki te whakaweto i te hiko, i te haurehu rānei, i te tō, i te papahiko matua rānei.



ME AHA HEI TĒTAHI AHI



Ngōki hāhaka nei, tere nei hoki e pahiko ai i te auahi. **'Ki raro, Kia hāhaka, E puta'.**



Tūtakina ngā tatau ki muri i a koe e pōturi iho ai te hora a te ahi.



Huihui ki te wāhi hui kua whakaritea.



Ina puta, me noho ki waho – kua rawa e hoki ki roto.



Waea ki te Ratonga Ahi i 111 mai i tētahi wāhi haumaruru.

Haere ki fireandemergency.nz e kite ai i ētahi atu tohutohu haumaruru ahi.